

# Txirritola

ARAMAIO / Barikua / 2005eko abenduaren 16a / 176. zenbakia

KOORDINATZAILEA: Ubane Madera • Otolara Lizentziaduna 31 20500 ARRASATE • Tel.: 943 71 25 11 • Faxa: 943 71 23 89 • Posta elektronikoa: txirritola@goiena.com • Lege gordailua: SS.1084/02

## Su-gorrina atzemateko egindako laginen emaitzak negatiboak izan dira

UBANE MADERA

Atzo, eguena, ziren su-gorrinaren gaineko batzarra egiteko udaletxean. Ezustekorik ezean, Diputazioko teknikari bat etortzeko zen herritarrei jakinaraztera hasieran atzemadako lau fruta-arbolek izan ezik, herriko beste arbola batek ere ez duela gaixotasun hori hartu.

Joan den uztailaren 4an jakinarazi zuen ofizialki Arabako Foru Aldundiak Aramaio fruta-arbolaren ustiapen batean su-gorrina agertu zela. Hain zuzen ere, Azkoaga auzoko baserri bateko lau fruta-arbolari atzeman zioten gaixotasun hori.

Erraz hedatzen den gaixotasuna da su-gorrina. Hori dela eta, Diputaziokoek berehala hartu zituzten zaintza neurriak. Besteak beste, bi batzar egin zituzten udaletxean, egoeraren berri emateko eta hartu beharreko segurtasun neurriak jakinarazteko. Herritar ugari erakutsi zuen gaiarekiko interesa.

Horrez gainera, infekzio-fokua aurkitu zuten lekutik kilometro batera zeuden baserri guztietako fruta-arbolaren laginak hartu eta aztertu zituzten Diputaziokoek.



Azkoaga auzotik kilometro bateko bueltan dauden fruta-arbola guzti-guztiak aztertu dituzte Diputazioko teknikariak.

**ORAINGOZ EZ DA HEDATU SU-GORRINA**  
Hala, atzoko batzarrean, Diputazioko teknikariak jakinaraztekoak ziren lagin horien emaitzen arabera Aramaion, oraingoz, ez dagoela beste fruta-arbolarik gai-

xo. Albiste pozgarria, beraz, baserriarrendako.

Edozelan ere, horrekin batera, gogorarazi zuten gaixotasuna Aramaion hedatu ez den arren, infekzio-fokua agertu egin dela.

Beraz, komeni dela segurtasun neurriak hartzea. Hain zuzen ere, Diputaziokoek udan Aramaion egindako bi batzarrean esandako prebentzio neurriak hartzen segitu behar dutela gogo-

rarazi zieten herritarrei: inausketa lanak egiteko erremintak desinfektatu beharra, noizean behin fruta-arbolaren egoera zaintzea... Halaber, jakinarazi zieten Diputaziokoek eurek ere egingo dituztela, noiz edo noiz, halako zaintza lanak Aramaio fruta-arbolatan.

### BASERRIAREKIKO INTERESA

Bestalde, su-gorrinaren gaia lantzeaz gainera, proposamen bat ere egitekotan ziren, Aramaio baserriarrendako: eurek interesa izanez gero, Udala gertu dagoela formazio ikastaroak bultzatzeko. Mertxe Mondragon alkateak zera esan digu: "Su-gorrinaren kontu horrekin, ikusi dugu Aramaion badela interesa baserriko gaiekiko, fruta-arbolak direla, edo baratza direla edo nekazaritza ekologikoa... Ez da lehen moduan, baina ikusi dugu jende asko ibiltzen dela hala-koekin".

Horregatik pentsatu du Udalak herritarrek ikastaroak-eta egiteko interesa baldin badute, Udalak ahalegina egingo lukeela laguntzeko eta ikastaro horiek bideratzeko: "Arrasaten egiten duten moduan, Mendikoirekin-eta, bada hemen halako zerbait egingo genuke".

## HERRITARRENHITZA / Lierni Altuna • Gaztea

### Gabon jaien gainekoak

Astebete geratzen da Bi aste eta piku geratzen dira berez, Gabonak asteko, baina instituzio batzuentzako aspaldi hasi ziren. Udaletxe, zentro komertzial, denda eta telebista gehienetan, denetan ez esatearren, aspaldi jarri zituzten argi eta apaingarri ugari, jostailu eta turroien iragarkiak ere gure artean daude jada. Gabonetako apaingarriak eta opariak erosi ez dituen oso berandu eta galduta ibili arren, lasai egon dadila, zentro komertzial eta denda askok, ONG batzuen papera hartuz, eta inoiz ikusi ez den solidaritate erakusketak bat eginez, jai egunetan irekiko dute.

Bai, nire hitzetan ironia pixka bat nabaritu duena zuzen dabil. Zergatik jartzen dituzte udaletxeek kaleetan horrenbeste argi eta bi hilabete lehenago? Zergatik bonbardatzen gaituzte guztioi kontsumismoan erorarazten gaituzten misilekin? Ze zentzu daukate gaur egun Gabonek?... Ez ditut Gabonak ulertzen!

Txikitzen gogoratzen naiz, Gabonak zoragarriak zirela, elurra egiten zuen, Olentzero etor-



"Jendea solidario bihurtzen da data hauetan"

tzen zen, familian elkartzen ginen, jaki gozoak jan,... Eta gaur egun zer aldatu da? Gabonak multinazionalak irabazitako urteko garai bat bihurtu direla eta ni ere nagusitu egin naitela, aspaldi esan zidaten Olentzero ez zela existitzen, aspaldi galdu nuen ilusio eta inozentzia hori, aspaldi konturatu nintzen mundu honen errealitate gordinaz.

Gainera, barregarriena iruditzen zaidana da, urte osoan

"existitu" ez diren arazo asko data hauetan azaleratzen direla, telemaratoiak egiten dira, jendea solidario bihurtzen da, datoren urte osorako bere obra ona eginez, jeje, zein hipokritak garen!!

Gure aukera da, Gabonetan, eros dezagun gure inkoherentzia eta tristeziak denak estaltzeko, edota, kontsumismoa alde batera utziz, ahalegindu gaitezen umen inozentzia horretara bueltatzen eta ez dezagun ukatu gure errealitate hau, baizik eta kontzientziatu gaitezen hobera aldatu ahal izateko, eta ez orain bakarrik, baizik eta urte osoko 365 egunetan.

## LABUR

### Ondasun Higiezin Gaineko Zergaren ordainketa

Bi aste barru bukatuko da Ondasun Higiezin Gaineko zerga ordaintzeko borondatezko epea, abenduaren 28an, hain zuzen ere. Orain ordaindu beharko dute bankuan zerga hori helbideratu barik dutenek. Helbideratuta dutenei, berriz, joan den abenduaren 9an kobratu zieten OHGZ.

Behin borondatezko epe hori pasatu ostean, ordaindu bako kuotak %20ko errekaruarekin kobratuko ditu Udalak.



**TELEFONO JAKINGARRIAK**

**OSASUNA / LARRIALDIAK**

Osasun etxea (txandak)	945 44 53 40
Botika	945 44 50 03
Udaletxea	945 44 50 16
Ertzainitza (Arrasate)	943 79 71 99
Gurutze Gorria (Legutio)	945 45 52 52
San Martin Eskola	945 44 50 04
Taxia eta autobusak	945 44 50 33
Udal kiroldegia	945 44 53 35
Postetxea	945 44 50 83
Zuako Eskualdea	945 43 01 67
Suhiltzaileak (Zubillaga)	943 78 28 00

**AUTOBUSORDUTEGIA**

ARRASATE	ARAMAIO	GASTEIZ
07:00	07:15	08:00
10:00*	10:15	
11:00	11:15	
12:00*	12:15*	13:00
15:15	15:30	16:15
17:20	17:35	
18:30*	18:45	
20:30	20:45	21:25
21:00*	21:15	

GASTEIZ	ARAMAIO	ARRASATE
	07:50	08:05
08:15	09:00	09:15
	10:15*	10:30
	11:15	11:30
13:10	13:55	14:10
16:20	17:05	17:20
	17:35	17:50
	18:45*	19:00
19:30	20:00	20:15

**OHARRA:** izartxoia duten orduetan eskaeraren araberako zerbitzua eskaintzen dute. Auzoetako bizilagunei zuzendutakoa da, eta autobusa erabili gura badute, bezperan deitu beharko dute honako zenbaki honetara: 629 54 59 23

**OHARRAK**

**LAN ESKAINTZA**

Gasteizko Etorri elkarteak emakumea behar du adineko pertsona bat zaintzeko. Geriatriako laguntzaileei dagokien formazioa edo antzeko lanetan esperientzia duen pertsona eskatzen dute. Interesa duenak honako telefonora deitu behar du: 945 24 21 72.

**BARIKUKO ZINEMA**

Gaur, barikua, ez dutela zinema-emanaldirik egingo jakinarazi digute; bai, ordea, datorren barikuan, hilaren 23an. Hain zuzen ere, *El puente de San Luis Rey* drama aukeratu dute. 124 minutu ditu film horrek eta 2004an egindakoa da. Mary McGuckian da zuzendaria eta besteak beste, Robert de Niro, Kathy Bates eta Geraldine Chaplin aktoreek parte hartzen dute. Euro bat ordaindu beharko da sarrera. XVIII. mendeko Peru, Espainiako inkisizio garaian erakusten du filma horrek. Bestalde, jakinarazi digute abenduaren 30erako (barikua) ere antolatuko dutela beste zinema emanaldi bat.

# Olentzeroren bisita goizean eta Gabonetako jaialdia arratsaldean

U.M.

Datorren eguaztenean, hilak 21, San Martin Eskolakoek Gabonetara begira egin ohi dituzten ekitaldiak egingo dituzte. Bestelako artean, Olentzeroren bisita izango dute, sorpresa-txo eta guzti. Seigarren mailako Andoni, Nerea, Beñat eta Paulak kontatu digute guztia:

“Urtero bezala, aurten ere, Gabonak girotzeko, goizetik hasita arratsaldeko laurak arte makina bat ekintza prestatu ditugu”.

**GABONETAKO JAIALDIA**

“Goizean Olentzero pasatuko da gela guztietatik eta gozokiak, jolasak, liburuak... utziko dizkigu. Ondoren, hamaikak inguruan, txistorrá jango dugu sabela betetzeko.

Edozelan ere, egun horretako ekintzarik bereziena arratsaldean izango da. Gabonetako jaialdia izango dugu eta guztiok parte hartuko dugu; besteak beste, abestiak, antzerkiak eta dantzak egingo ditugu. Gainera, aur-



SAN MARTIN ESKOLA

Eskolako bigarren mailako ikasleak, Albinan aurkitutako astaputz erraldoiarekin.

ten familia guztiak gonbidatzen ditugu ospakizun horretara.

Gabon zoriontsuak izan eta urte berri on guztioi eskolako ikasle, sukaldari, zaindari, irakasleen... aldetik“. Horixe bada

Andonik, Nereak, Beñatek eta Paulak egin diguten ekarpena.

**GASTEIZERA IRTEERA**

Horrez gainera, eskolako zuzendari Blanka Mendialduak jaki-

narazi digu eskolaurrekoak Gasteizera joango direla datorren martitzenean, hilak 20. Bestelako artean, Florida parkean ipintzen duten jaiotza ikustera joango dira. Bazkal ordurako eskolara etorriko dira baina bestetan baino beranduago izango denez, bazkari berezia izango dute, norberak etxetik ekarritakoa.

**IPIIN KONTALARIA**

Bestalde, seigarren mailako Ekain, Maria eta Alicia ikasleek kontatu digute Joseba Ramirez ipuin kontolariaren bisita ere izan dutela, liburutegiari esker: “Joseba Ramirezek *Zapataria eta Prakagorriak* (Grimm anaiena) izeneko ipuina kontatu zigun; itzaletan oinarritutako teknika txinatarrak erabiliz, oso emanaldi zoragarria egin zigun. Esan behar dugu, baita ere, bertotan ez dela makala Joseba Ramirez emanaldian gertatu zen ezbehar batean oinarrituta, bat-batean oso bertso politik botatzizkigun-eta.

Eskolako LHko ikasle guztiok han egon ginen.

## Zuiako argazki lehiaketan, bi aramaioar irabazle

U.M.

Zuiako Koadrilak antolatutako argazki lehiaketan irabazi dituzte bi sari bi aramaioarrek. Tartean, lehiaketako lehenengo saria, Itsaso Lopez de Bergarari eman diote, *Hotza* izenburudun argazkiarengatik.


Hala, Itsaso Lopez de Bergarak 400 euro eta garaikurra irabazi ditu.

Horrez gainera, beste aramaioar batek, Aitziber Aginagaldetik Aramaiori dagokion saria eskuratu du, *Udarako baratza* prestatzen izeneko argazkiarekin.

Bai Itsaso Lopez de Bergarak zein Aitziber Aginagaldetik, biek ala biek, Aramaio aukeratu dute lehiaketarako argazki protagonista izateko, Lopez de Bergarak neguan (beheko argazkia) eta Aitziber Aginagaldetik, udaberriaren, Gantzaga auzoa.


**ARGAZKIAK, EGUTEGIRAKO**

Guztira, 76 lan aurkeztu dituzte Zuiako Koadrilako III. Argazki Lehiaketara. Aramaioarrek gainera, beste zazpi lagun saritu dituzte. Argazki horiekin, irabazleekin, datorren urteko egutegia egingo du Zuiako Koadrilak.



**Gabonetako menua prestatuko dute**

Txirritola elkartearen eskutik, Dukiena jatetxeko Edurne Isazelaia Gabonetako menua prestatuko du martitzenean, hilak 20. 18:30en da hitzordua, erretiratuen egoitzan. Besteak beste, prestatuko ditu piper beteak onddo eta langostinoekin.



ITSASO LOPEZ DE BERGARARA

Argazki irabazlea: *Hotza*, Itsaso Lopez de Bergarak ateratakoa.

**LABUR**

**18/98 sumarioaren aurkako protesta ekitaldia ziren egitekoak atzo, eguena**

Zenbait herritarrek deitu zuten atzoko protesta ekitaldia. Bi helburu zituen: 18/98 sumarioan oinarrituta egiten dabilzan epaiketaren beraren kontra protesta egitea eta epaiketaren inputatuta dauden euskal herritarrei elkartasuna adieraztea.